

影印
文淵閣

四庫全書

影印

文淵閣四庫全書

第四一九冊

北京出版集團公司
北京出版社

本册目次

世宗憲皇帝硃批諭旨(四)

清

雍正十年敕編
乾隆三年告成……………一

欽定四庫全書

史部
硃批諭旨卷六十一上

臣永瑤恭校

編修臣義謙覆勘

總校官中書臣朱鈐

校對官中書臣高中

謄錄監生臣王爾熙

欽定四庫全書

硃批諭旨卷六十上

硃批王國棟奏摺

提督河南學政臣王國棟謹

奏為欽奉

上諭事臣才劣識庸荷蒙

聖恩簡用視學河南

陞辭之日兩聆

欽定四庫全書

聖訓指示詳切仰見我

皇上天地為懷日月並照無微弗燭無遠弗周所有學

政事宜臣矢公矢慎勉竭駑駘不敢絲毫苟且玩

忽有負

皇上隆恩至撫臣田文鏡居官之處奉

旨令臣細加體訪於兩三月後摺奏臣於雍正二年十

一月到任路經彰德衛輝開封三府又於十二月

內考試懷慶一府所見文武各官及士民人等留

心詢問其說不一大約感頌田文鏡者皆言其廉幹明敏怨望田文鏡者或言其催科太迫或言其御下太嚴不留餘地至於操守可疑竟未有人議及者臣於封印後回省目擊其辦事甚勤大小屬員一到即見家人吏役約束頗嚴門包小費一槩謝絕居官如此可謂難得而聲名不甚純粹者實緣田文鏡莅任以後諸事認真稽察過嚴一無容隱所致此外實別無所聞為此繕摺陳

欽定四庫全書

陝西通志
卷六十一

奏伏乞

睿鑒謹

奏

所奏田文鏡居官之處甚屬公當知道了

提督河南學政臣王國棟謹

奏臣督學河南歷試數郡所經州縣聞去冬俱得雨

雪但多寡大小或有不齊入春以來河北三府及

開封所屬雨澤稀少二麥歉收臣於三月初旬按

試河南府四月初四日事竣起身初三日五鼓河南府得雨數寸初五日臣按試汝州地方本日汝州雨頗霑足二麥收成尚有五分四分不等迤西所屬伊陽等處尤佳棉花高粱等項業經得雨布種可冀秋成米麥豆價值二三月間稍長得雨後價又漸平為此繕摺據實奏

聞謹

奏

欽定四庫全書

陝西通志
卷六十一

所奏雨水米價已悉百凡但須據實直陳若稍涉虛飾反悞聽聞未若不奏之為愈也

提督河南學政臣王國棟謹

奏五月十九日臣家人齎摺回豫領到

硃批百凡但須據實陳奏欽此仰見

皇上軫恤民瘼勤求吏治凡四海九州之大無微不至

有感即通稍有人心敢不仰體臣於六月內歲試

事竣起身回省路經上蔡西平許州等處一路高

下平原禾麻菽黍一望如繡惟六月中旬以後雨澤過多低窪之地積水苦澇至七月十三日開封府屬之大寨蘭陽縣之坂厰河堤一時潰決田苗廬舍漂沒頗多祥符縣相近地方亦有被其患者惟幸居民遷避未曾傷損河臣嵇曾筠撫臣田文鏡赴工查勘并委地方官料理賑恤堵築事宜十八九日天氣晴明聞決口現在興工堵塞可無他患其餘州縣低下處所田苗分數少減平原高阜

欽定四庫全書

硃批諭旨

卷六十一

四

皆有十分成熟已經漸次收穫臣謹據實奏

聞謹

奏

知道了絲毫毋得粉飾

提督河南學政臣王國棟謹

奏為遵

旨密陳事竊臣訪聞河南府屬盧氏一縣地處萬山之中向年亢挺一案盧氏縣學生員亦多竄入其中

彼時地方官見亢挺事已

題達未肯又多一事設法和解並未懲創一人現今

盧氏一縣俗尚澆凌皆緣前此妄為未經處分效

尤成習臣荷

聖明委任不敢以事屬前任置若罔聞亦未便以既結

之案聲張滋擾密行廉訪將向日附和多事生員

摘其微過漸次革除以清學校臣愚以為

國家事無大小與其懲創於既事之後無寧防杜於

欽定四庫全書

硃批諭旨

卷六十一

五

未事之先士子者百姓所觀瞻教官者士子之表

率臣見現在盧氏縣學教諭劉晉辦事勤敏心胸

明白頗能彈壓多士且歷任數載亦悉地方情形

緣係生員捐職例應離任赴部改選臣思教官雖

微關係學政誠恐部選之人不識地方情事抑或

羸老軟弱不得其人盧氏士習便難整飭合無仰

請

聖恩准將劉晉留任辦事俾其分別優劣明示勸懲庶

盧氏一學不至無知犯法則學校澄清地方寧謐

矣查劉晉已捐陞知縣儘可赴部投供臣為學校

得人起見未敢具本陳請不揣冒昧繕摺奏

聞是否可行伏候

聖明裁示謹

奏

劉晉若願留任則題留以知縣銜管教諭事可也如不

願留任因其勤敏明白而反阻其上進之階殊非鼓勵

欽定四庫全書

碑批諭旨
卷六十上

六

人才之道

浙江觀風整俗使臣王國棟謹

奏為覆

旨事竊臣一介庸愚荷蒙

皇上天恩畀以觀風整俗重任於雍正四年十一月二

十二日赴湯山

行宮恭請

聖安併蒙

聖訓剴摯詳明大中至正聖經賢傳之奧一經

聖明闡發內聖外王之道一以貫之臣粗習章句學識

蕪淺蒙

亦不謂盡合於聖賢經傳但揆之世理人情若覺有益

皇上指示教訓之後始悟六經之理本自貫通一切立

身行已居官治民之要益覺有所持循嗣後殫精

皇上天地造就之弘仁也臣於十二月初二日自京起

程遵

欽定四庫全書

碑批諭旨
卷六十上

七

旨從河南省奉臣母赴浙江任河南撫臣田文鏡恭請

聖安臣將欽奉

諭旨逐臣一宣示雍正五年二月初一日抵任巡撫臣李

衛率同司道諸臣恭請

聖安臣隨將所奉

諭旨宣示撫臣李衛及按察司臣董永受皆感激

天恩望

闕叩謝除臣到任日期已經具疏題報外所有宣示

諭旨緣由理合具摺覆

奏再蒙

皇上面交與臣二摺臣與撫臣李衛同閱內開稽察棚

民一事先經遵照部行大學士張廷玉條奏奉

旨事理嚴行稽察在案各縣棚民現俱安靜茲復照顧
當時留心圖維永久安靜之策因目下安靜而遂
變摺內所請及朱未摺內二條行令各該府確查
忽畧之也
詳覆臣等公同酌定具

奏所交二摺再行繕寫

欽定四庫全書

硃批諭旨
卷六十一上

呈繳臣又特奉

上諭命臣清查浙江頑抗錢糧一項舊例包攬抗欠紳

衿州縣詳請革懲督撫院司始行查究臣思浙江

風俗澆漓不同他省必待有司詳請恐州縣未必

盡能執法臣已行文各府州縣依限催徵仍令按

季將完欠分數據實冊報臣於完半全完之期按

冊稽察內中如有紳衿黎庶頑抗不納者不待州

縣詳請臣即分別輕重處分應參究者參究應革

懲者革懲庶通省之人咸知奉法而頑欠可清矣

又臣到浙江時訪聞民間有胥役市販合湊幾家

買開邸抄者臣思小民無知不宜與聞

國事雖

皇上所行率皆化民成俗仁育義正之事無不可使人

知者但此輩一閱邸抄每多訛傳以惑衆聽諸如
此一節尚在可否之間
此類亦風俗人心所關臣已嚴行戒飭倘有犯者

立拏重懲又臣在湯山時面領

欽定四庫全書

硃批諭旨
卷六十一上

上諭撫臣李衛奏帶額外郎中朱倫瀚令臣稽察賢否

臣到浙後於朱倫瀚進見之時即將

皇上戒董策勵之意詳悉宣示朱倫瀚悚慄恐懼感激

涕零據云

聖祖拔擢之恩

皇上矜全之德倘有纖毫辜負非特

王章不宥亦無面目存留天地之間等語經撫臣李衛

委署寧波府任事未久俟臣巡歷時細加查察據

實具

奏又仁和縣知縣紀遠宜書生初任臣見其謹飭有

餘而才具不足或於地僻事簡縣分庶幾人地相

據李衛亦奏過業有旨矣宜但紀遠宜亦莅任未久臣將細察其賢否再行

具

奏又臣自河南至浙江見浙江陰雨與江南無異自

上年入冬以後雨雪連綿直至今春晴日頗少臣

到任後尚多陰雨初六日撫臣奉

欽定四庫全書

硃批諭旨
卷六十一上

旨行藉田禮是日天氣晴明農民歡忭以為豐年有兆

嗣後仍時晴時雨十五日臣與撫臣宣講

聖諭是日天氣開朗連日稍覺晴和若得從此常霽則春

朕亦聞得想收有望臣於十五日料理粗畢即欲巡查杭嘉湖

上蒼必無垂佑也各屬因撫臣李衛言州縣現皆辦理漕糧宜稍遲

是數日約於二十日後視州縣中漕糧報完者挨次

巡查竭力辦理理合奏

聞伏惟

聖鑒謹

奏

覽

浙江觀風整俗使臣王國棟謹

奏為敬陳浙西風俗事竊查浙江風俗澆漓惟杭嘉

湖三府為甚杭州人狂放湖州人刁健嘉興人浮

薄臣每至一州縣即傳集紳衿人等至明倫堂宣

布

欽定四庫全書

硃批諭旨
卷六十一上

皇上天地覆載之仁

御極以來敬

天法

祖勤政愛民四海之內一夫不獲即靡

宸衷湛恩溥被不可枚舉數計又因浙省風俗澆薄屢

頒

聖訓深切著明復設專官整齊化導無非欲爾神衿士

民明天地之經識尊親之義安上下之分重廉恥

之防爾等遭逢

聖世仰沐

皇仁應各念父母之邦為子孫之計一切浮狂詐偽抗糧健訟種種惡習務期洗心滌慮痛自革除庶幾化行俗美共樂昇平一時紳衿人等聽聞之下無不感激愧悔眾口一辭似出中誠非由強飾臣到海寧地方紳士向多澆薄而民亦刁頑如前宣揚

欽定四庫全書

硃批諭旨

卷六十一上

十三

聖教之後更嚴加戒飭雖俱戰戰慄慄叩頭謝

恩切齒查賊然或一時面從未必中心改革尚當時巡察倘有怙終不悛者應即分別重輕叅革懲治

臣於杭嘉湖三府凡所巡歷之地無不加以意察訪

從前肆惡之徒實皆畏懼斂跡除生事劣紳等臣

俱繕疏糾叅外凡抗糧包訟生監及姦胥里棍俱

拏交各該地方官審究各州縣有力學敦行之士

臣訪知的實或給扁示旌或面加獎勵以示鼓勵

再浙民向來健訟每逢地方上下衙門放告動輒

一二百紙近日詢之各屬有司俱云詞訟比往時

減半皆仰賴

皇上存神過化之用民知安分稍返醇良此亦小小一轉關也又浙民雖多詐偽而性終柔弱如杭州海寧紹興數處前者偶惑訛言闔邑震恐臣與撫臣李衛隨經出示曉諭安輯大抵愚柔之人皆知畏

罪臣怡遵

欽定四庫全書

硃批諭旨

卷六十一上

十三

聖諭分別淑慝而勸懲之或可以漸轉移仰副我

皇上牖民成俗之至意臣謹繕摺奏

聞伏乞

睿鑒謹

奏

爾到浙與李衛協衷任事能推誠布公宣明朕旨風俗人心頓覺轉移朕聞知嘉悅之至勉之二字外無可多諭也

浙江觀風整俗使臣王國棟謹

奏為敬陳浙西州縣事宜仰祈

睿鑒事竊臣巡歷浙西留心查訪司道各官俱蒙

皇上特簡優劣賢否久在

聖明洞鑒之中且臣共事未久不敢冒昧陳

奏惟驛鹽道王鈞人頗謹厚辦理鹽務亦屬相宜但

才具平庸未能肆應至府縣各官恭遇

皇上至聖至明振綱飭紀撫臣李衛督率亦嚴循分供

欽定四庫全書

硃批諭旨
卷六十一

古

職者居多其中地有繁簡才有短長謹就臣一時

聞見繕單先呈

御覽其杭州府昌化縣知縣趙莘臣巡查至縣訪知該

令諸務縱弛曠廢職守已經特疏

題叅湖州府德清縣知縣徐珽任蠹作姦考豐縣知

治平之道惟察吏為本其臨臣皆屬枝葉但能秉公察吏

自必庶績咸熙百姓蒙福天下大治矣於此當竭臣力為

諭旨即設法稽查先經

奏明蒙

皇上硃批實力為之臣跪誦之下益加凜切俟完半及

全完之期當細心稽查力懲頑抗以除積弊其各

府州縣命盜訟獄案件臣先令按察司開報查核

仍於巡歷所至逐一稽查清理至保甲一法弭盜

安民最關緊要乃浙省州縣奉行不力率多有名

無實臣現在嚴諭各該府縣實力奉行勒限編查

毋得借端苛派毋得粉飾具文如有仍前玩悞及

欽定四庫全書

硃批諭旨
卷六十一

十五

奉行不善反致擾民者立即

題叅治罪再查杭嘉湖三府地方戶口殷繁而倉穀

積貯無多偶有雨暘愆期米價騰貴每致上煩

聖慮臣思社倉一事久經奉

旨舉行之舉實難且緩為之惟此一事切不可急遽

艱難議令各州縣先於鄉紳大戶內勸輸捐積其

里民積粟俟秋穀登場後再為勸捐併禁抑勒指

派務使舉行無弊目下麥已成實將來可收五六

七分不等亦足稍濟民食現在各州縣平糶賑濟

撫臣李衛專委杭嘉湖道徐鼎督率各該地方官就近稽查殊屬妥便

分頭糶賑臣巡歷所至就近飭查俾民得沾實惠

無負

皇上懷保深仁理合一併奏

聞伏乞

睿鑒謹

奏

欽定四庫全書

硃批諭旨

卷六十一上

七

覽

浙江觀風整俗使臣王國棟謹

奏為敬陳浙西營伍情形仰祈

睿鑒事竊臣仰荷

恩命簡閱營伍欽遵祇惕今歷巡浙西地方先行簡閱

查杭州副將李燦臣閱該協兵丁時尚署理黃巖

鎮印務湖州副將蘇明良已奉

旨陞授廣東碭石總兵嘉興副將顧弘亮臣視其人不

過中材而辦事猶屬小心就三協營兵而論杭協

差勝嘉協次之湖協又次之其將備各官雖無出

衆之材尚可供職各營弁目有材技平常不能稱

職者移咨提督斥革除僻遠營汛因地方緊要未

便調齊考驗外其存城之兵及經歷處所逐一簡

閱凡老弱者飭令更替生疎者飭令訓習衣甲器

械有未鮮明堅利者嚴飭整理至營伍大弊尤在

虛兵冒餉臣簡閱時查副將以下千把以上俱有

欽定四庫全書

硃批諭旨

卷六十一上

上

隨丁一項冊內止開花名無人點驗詢其情由據

云大小各官俱沾

此數分空糧乃議定養廉之項實不可少再加營伍中

皇上浩蕩之恩此項實係養廉之費向年營伍中尚有

數分公費名糧亦當酌量給與所必需者但莫使不肖

將備公費空糧數名甚至有借公費為名烹肥入己者

皇上御極以來整綱肅紀各營陋例盡已革除例設隨

丁之外並無別情一切軍裝甲仗俱係捐備料理等語臣伏念我皇上愛養羣臣體恤備至文員俱有養廉之費武職瞻

養家口自蒙一體加

恩未便冒昧奏至所稱公費無出一切軍裝俱係捐
備料理情由事關通省營伍俟臣巡查浙東各營
汛再行確查作何仰籲

聖恩之處據實

奏請定奪又浙西之民辦賦資生首賴蠶絲春夏之
交正在育蠶時候俗忌不宜燃放火器臣仰體

皇上軫念民生至意是以鎗礮等項未經驗試杭嘉湖

欽定四庫全書

明加諸旨
卷六十一上

地方緊要臣當不時巡查校閱如有怠玩縱弛及
虛冒短剋等情將該營弁員一併

題參究處抑臣更有請者浙江素稱澤國以舟為便

需用馬兵之處無幾是以精於騎射者絕少而馬
此臣亦有干係可與督提熟商確議會疏具題該部議
亦疲瘦臣愚以為浙江馬兵似可量行裁減計馬
覆臣候裁酌

兵之糧裁去一名即可多設戰守步兵二名分撥

汛防以資捍禦是否可行臣與提臣石雲倬妥議

後會疏具

題臣至愚極陋每見文武大臣於莅任之始事無大

小張皇其詞以聳

此朕臣日省工夫每對廷臣訓諭之旨也能見及此朕復
宸聽及任事一二年後仍多因循苟且或文過飾非於
何慮

地方事宜毫無裨益臣受

恩深重莫報涓埃惟有一事不敢苟一字不敢欺

皇上日月之明自能洞照謹將開過浙西營伍情形據

實奏

聞謹

欽定四庫全書

明加諸旨
卷六十一上

九

奏

但莫忘今日此奏能不心隨境移何難企及千古名臣

勉之

浙江觀風整俗使臣王國棟謹

奏為覆

旨事竊臣於二月二十六日欽奉

皇上恩旨以浙省上年被水米價騰貴窮民艱食

特命撫臣李衛會同將軍臣鄂彌達臣王國棟先動帑

銀四萬兩在杭嘉湖三府修城濬河築堤使窮民
傭工食力此誠

皇上如天愛民之心也臣分勘得杭州至海寧一帶河

道水多淤泥應當開濬以便蓄水灌田海寧以下

至黃灣地方一帶支河亦有應行開濬之處撫臣

李衛分勘得湖州地界太湖堤閘日久傾圯應行

修築將軍臣鄂彌達分勘得嘉興一帶石塘日久

坍塌應行整理臣等公同酌議各府河道疏濬之

欽定四庫全書

河批諭旨

卷六十一

三十一

是事因冬春雨雪太多水勢未退此時築壩開濬必
致多費工力當俟九十月水落農畢之後再議疏

濬目下採買物料先葺城垣杭州湖州嘉興府城

以及石門德清長興安吉州嘉善平湖桐鄉等州

縣城俱於三月內興工合計現在各處城工四萬

金約可足用容臣等核實會

題但各處所報工程尚多提臣石雲倬又咨稱寧波

據石雲倬李衛俱經奏過然修城較之水利利氏乃緩
城垣頽廢已久應亟修葺現在批司查議當

務也國家綱舉目張之日城垣河道一時經理整齊原屬
萬年利益費帑利民在

聖心固所不惜然臣謂天下之正供有數而

國家之經費多端今以浙省三府而耗費多金

國計所關理宜籌畫臣出巡到德清地方訪有捐納

候選通判蔡應龍者係已故禮部尚書蔡升元之

子也蔡升元生前居官貪鄙從未為

國家出力告假回籍竟以壽終遺貲產於伊子蔡應

欽定四庫全書

河批諭旨

卷六十一

三十一

龍等坐享富厚盤剝民昨蔡應龍為葬伊父倚

勢強買楊有祥等民房基地改造墳塋致楊有祥

等憤怨控告撫臣李衛斷罰蔡應龍出銀五百兩

修湖州府城至今並不遵斷交出雖伊父久任京

官家貲不為巨富而彼所得者原係不義之物應

儘其所有急公利衆以為身為大臣而不公忠者

戒臣至愚極昧欲於樽節

國用之中即寓維持風化之意伏祈

皇上俯鑒若臣言可行當即繕疏

題余又海寧縣城垣頽壞特甚據該縣估計工料浩
此二人應在地方上捐資效力當勸諭伊等踴躍樂
從將其願捐情由具題如該抗不從即將伊等不聽勸
諭不肯急公之處余奏候朕另降諭旨
國恩蒙

皇上矜全歸里今現居海寧本地河道城垣或修或濬

邦彥出資効力亦屬分所宜然俟檄行該縣確估

工費臣與撫臣李衛商酌料理一併附摺具

欽定四庫全書

硃批諭旨

卷六十一上

三

奏伏乞

聖鑒謹

覽

奏

浙江觀風整俗使臣王國棟謹

奏為敬陳浙東紹寧台三府情形仰祈

睿鑒事竊臣於四月十五日由杭渡江巡查紹寧台一

路地方紹興府屬會稽山陰蕭山上虞等縣風俗

紹興惡習之反遜於杭嘉湖者蓋緣生事不法之徒皆
出在外故也澆漓雖不至如杭嘉湖之甚然奔走京省慣熟衙

門漸染惡習亦倍他郡寧波環山濱海為全浙門

戶所屬鄞縣慈谿奉化鎮海象山定海六縣形勢

均關緊要民風士習雖稍樸實而山野之性恃强

任性者頗多台州雖為樸陋屬縣亦多濱海惟太

平一縣風俗稍醇其臨海寧海黃巖等縣士民舊

多包糧健訟近亦畏法收斂獨有天台仙居二縣

廢弛已久錢糧詞訟事事急需整理臣謹另摺詳

欽定四庫全書

硃批諭旨

卷六十一上

三

析奏

聞紹興知府魏觀寧波知府孫詔台州知府楊滙俱到

任未久賢否一時難以確核其所屬各縣寧波六

浙江一省朕每揀選上等人材發往湖南屬員未必能

及浙省兩到彼後如意教導試用
者謹就愚昧所見將府屬官員繕單開呈

御覽至三府營伍提臣石雲倬標下兵丁訓練數月軍

看石雲倬光景似一有良心實力盡職之人
伍氣象較向日已覺不同紹協副將汪虎山出身

行伍料理營務亦屬諳練至於台協臣到浙時即

訪知向來廢弛疲玩兼聞挑一戰糧馬糧有錯謀
各處習弊大抵皆然
費至數十金者一充行伍如書吏之有缺主子孫

相承其中老弱及技勇生疎者頗多及臣到台查

閱器械衣甲已經料理即各汛煙墩木柵亦復煥

然可觀惟弓馬較他營尚未純熟查係副將吳進

義到任後捐貲製備甲械革除老弱稍異從前近

知臣奉

無理怨望乃天下營伍通行惡習而督撫治理地方亦
旨查閱愈加整飭而台協兵丁狃於舊習多有怨望該

欽定四庫全書

卷六十一上

雷

不能免此苦且

將過於苛刻者簡閱後隨嚴飭將備曉諭兵丁

然所以古之良臣必不辭任怨二字也稍若認真執法

苛刻之名在所難免然亦無可如何祇可盡其在我之

國非以養身肥家此內老弱者盡行革除騎射生疎

良心以上對
者勒限學習台協玩廢已久因現任副將頗能整

理暫免參究若不痛改積習定即時疏嚴參一時

將備弁兵無不踈聽凜畏其黃巖象山等處因現

值漁汛之期官兵出洋巡查臣與提臣會商海洋
緊要若調集簡閱恐貽誤地方又值農務正忙士

民人等伏暑齊集諸凡不便臣仰體
聖心不敢勞民動衆因由台郡旋省復巡杭嘉湖三處

要緊地方兼閱修濬各工及各屬平糶之處再浙

東地方紹興山會等處水可蓄洩旱澇不至大傷

至寧台二府山田居多四月中旬已經苦旱正在

望雨臣巡查至郡時適大雨連朝山溪漲溢田疇

需足農民懽慶聞金衢嚴溫處等府大約俱同而

浙西杭嘉湖等處地勢卑下插秧之後又愁雨水

欽定四庫全書

卷六十一上

三五

太多撫臣李衛又率屬求晴適五月二十日後天

氣朗霽連晴至今據目前情形浙東早稻成熟已

七八分浙西數郡稻秧如雲兩浙東西仰賴

皇上軫恤之仁豐年可卜并附摺奏

聞謹

奏

據奏豐熟可卜朕懷亦未必即能慰悅待秋成後方可

定耳

浙江觀風整俗使臣王國棟謹

奏為據實陳明仰祈

睿鑒事竊臣抵浙半載周巡六郡在杭之日無幾今由

台郡暫回省城因見巡撫臣李衛與藩司臣許容

辦事處似不相協臣思通省吏治民生均惟撫臣

朕已覺照二人秉性若和必至莫逆若不和必至鑿也

是賴而藩司為錢糧總匯事無大小與撫臣呼吸

然所以致不和則過在許容將伊調任後看朕自

有以詳察之也此諭勿露於人與藩司性情均屬強直而巡撫則蒞任在先一載

欽定四庫全書 卷六十一上 五

之中辦理諸務已竭心力藩司新任舉動稍輕似

有露丰采持短長更張事務之意此所以漸至牴

牾也至撫臣李衛之實心辦事公明廉幹實為臣

李衛之病不在驟急在自是不謹所佩服而性情微覺躁急近者屢蒙

聖訓漸就和平臣恪遵

皇上同寅協衷之訓旨凡關吏治民生事宜悉與商酌料理仰荷

聖慈已俱洞悉再京省各衙門胥吏作姦屢奉

明旨嚴懲而浙江一省尚未盡除近如撫臣李衛因米

價騰貴委官赴川買米到浙藩司書辦向買米各

員需索使費及將此米平糶委經歷驛丞等賣銀

解交驛鹽道庫書役又勒使費臣職司巡查凡有

所見是應如是聞見理宜據實糾劾因該司道俱係通省大員吏

役犯贓非同入已現在嚴行示禁並巡歷所至檄

飭大小衙門幫役白役盡行裁汰且親提卯簿查

核去留務遵經制毋許陽奉陰違明知若輩姦狡

欽定四庫全書 卷六十一上 五

此輩小人其言如風過柳亦何能為百出衙怨興謗其勢無所不至但臣受

恩深重仰賴

聖明在上盡力辦理猶恐有名無實致乖職守安敢避

若能免此四字何事不可辦理耶勉之

奏伏祈

睿鑒謹

奏